

ქ. თბილისი

13 აგვისტო 2019 წელი

ერთის მხრივ საქართველოს სახელმწიფო დაცვის სპეციალური სამსახური (შემდგომში შემსყიდველი) წარმოდგენილი მისი ეკონომიკური დეპარტამენტის უფროსის ნუგზარ ყამბეგაშვილის სახით და მეორეს მხრივ, შპს „ტენდერი 123“-ს (შემდგომში მიმწოდებელი), წარმოდგენილი მისი დირექტორის ამირან ჩიტაშვილის სახით, „სახელმწიფო შესყიდვების შესახებ“ საქართველოს კანონის (შემდგომში - კანონი) 20² მუხლის, სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული კონსოლიდირებული ტენდერის ჩატარების წესისა და პირობების, აგრეთვე „2019 წლის განმავლობაში სხვადასხვა საკვები პროდუქტების შესყიდვის კონსოლიდირებული ტენდერების მეშვეობით განხორციელების თაობაზე“ საქართველოს მთავრობის 2018 წლის 04 დეკემბრის №2296 განკარგულების საფუძველზე, ხორბლის ფქვილის (უმაღლესი კატეგორია) 2019 წლის კონსოლიდირებული ტენდერის (CON190000393) (შემდგომში - კონსოლიდირებული ტენდერი) შედეგად, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, თანდართული ყველა დოკუმენტით, რომელიც ხელმოწერილია მხარეთა მიერ.
- 1.2. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულების სრული და ზედმიწევნითი შესრულებისათვის.
- 1.3. დღე, კვირა, თვე - კალენდარული დღე, კვირა, თვე, თუ წინამდებარე ხელშეკრულებით ან/და სატენდერო დოკუმენტაციით სხვა რამ არ არის განსაზღვრული.
- 1.4. შემსყიდველი - ორგანიზაცია, რომელიც ახორციელებს შესყიდვას.
- 1.5. მიმწოდებელი - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. საქონელი - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. სატენდერო კომისია - „2019 წლის განმავლობაში სხვადასხვა საკვები პროდუქტების შესყიდვის კონსოლიდირებული ტენდერების მეშვეობით განხორციელების თაობაზე“ საქართველოს მთავრობის 2018 წლის 04 დეკემბრის №2296 განკარგულების საფუძველზე შექმნილი სატენდერო კომისია.
- 1.8. სატენდერო დოკუმენტაცია - 2019 წლის 19 ივლისს გამოცხადებული ხორბლის ფქვილის (უმაღლესი კატეგორია) 2019 წლის კონსოლიდირებული ტენდერის (CON190000393) სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.
- 1.9. „ფორს-მაჟორი“ - „მხარეები“ - სათვის გადაულახავი და მათი კონტროლისაგან დამოუკიდებელი გარემოებები, რომლებიც არ არიან დაკავშირებულნი „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, საომარი მოქმედებებით, სტიქიური მოვლენებით, ეპიდემიით, კარანტინით და სხვა მოვლენით, რომელიც შეუძლებელს ხდის ხელშეკრულებით ნაკისრი ვალდებულების შესრულებას ან/და იწვევს არათანაზომიერად დიდ ხარჯებს მათ შესასრულებლად.

2. ხელშეკრულების საგანი და ძირითადი პირობები

2.1. წინამდებარე ხელშეკრულების საგანია ხორბლის ფქვილის (უმაღლესი კატეგორია) შესყიდვა (CPV კოდი:15612100) სსიპ სახელმწიფო შესყიდვების სააგენტოს ვებ-გვერდზე გამოქვეყნებული CON190000393 სატენდერო დოკუმენტაციით, დანართებით, მიმწოდებლის სატენდერო წინადადებით გათვალისწინებული პირობებითა და ტარიფებით.

2.2. შესასყიდი საქონლის საორიენტაციო რაოდენობა მითითებულია დანართ #1-ში

2.3. ხელშეკრულებაში მითითებული შესასყიდი საქონლის რაოდენობა საორიენტაციოა და შესაძლებელია შეცვალოს ხელშეკრულების მოქმედების პერიოდში.

3. ხელშეკრულების ღირებულება

3.1. ხელშეკრულების საორიენტაციო ღირებულებაა 87.75 (ოთხმოცდაშვიდი ლარი და სამოცდათხუთმეტი თეთრი) ლარი.

3.2. ხელშეკრულების ღირებულება მოიცავს როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. საქონლის მიწოდების ადგილი და ვადა

4.1. საქონლის მიწოდების ადგილია დანართი #2 -ით გათვალისწინებული ლოკაცია.

4.2. საქონლის მიწოდება უნდა განხორციელდეს 2019 წლის 13 აგვისტოდან 2019 წლის 31 დეკემბრის ჩათვლით, წინამდებარე ხელშეკრულებაზე თანდართული (დანართი #2) გეგმა-გრაფიკის შესაბამისად.

5. მხარეთა უფლება-მოვალეობები

5.1. მიმწოდებელი ვალდებულია:

ა) საკუთარი ხარჯებით, უზრუნველყოს ხელშეკრულებით გათვალისწინებული საქონლის შეუფერხებლად მიწოდება; ამასთან, იგი იძლევა გარანტიას, რომ საქონელი შესაბამება წინამდებარე ხელშეკრულებითა და საქართველოს კანონმდებლობით განსაზღვრულ მოთხოვნებს და საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი (ასეთის არსებობის შემთხვევაში).

ბ) სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

გ) იმ შემთხვევაში, თუ ვერ ახრეხებს საქონლის მიწოდებას დროულად, გულისყურით ითანამშრომლოს შემსყიდველ ორგანიზაციასთან, აცნობოს მას შეფერხების მიზეზი და შექმნილი პრობლემის აღმოფხვრის საბოლოო ვადა.

დ) ხელშეკრულების მოქმედების ნებისმიერ ეტაპზე, ასევე მოქმედების დასრულების შემდეგაც, აღმოჩენილი ხარვეზის ან/და ნაკლის გამოვლენის შემთხვევაში მიმწოდებელი ვალდებულია 2 (ორი) სამუშაო დღის ვადაში შეცვალოს ახლით, შემსყიდველის მხრიდან დამატებითი დანახარჯების გაწევის გარეშე.

ე) მჭიდროდ ითანამშრომლოს შემსყიდველ ორგანიზაციასთან საქონლის მიწოდების განრიგის, სიხშირის, მიწოდების ადგილისა და თითოეულ მისამართზე მისაწოდებელი პროდუქტის რაოდენობის დაზუსტების მიზნით.

ვ) უზრუნველყოს საქონლის ტრანსპორტირებისათვის განკუთვნილი სატრანსპორტო საშუალებების ტექნიკურად გამართულ, სუფთა მდგომარეობაში ყოფნა და ისინი უნდა პასუხობდნენ ჰიგიენურ ნორმებს და იყვნენ ვარგისნი განსაზღვრული კატეგორიის საქონლის ტრანსპორტირებისთვის.

ზ) შემსყიდველ ორგანიზაციაში დოკუმენტის უცხოურ ენაზე წარდგენის შემთხვევაში, მას დაურთოს საქართველოს კანონმდებლობით დადგენილი წესით შესრულებული თარგმანი ქართულ ენაზე. შემსყიდველი უფლებამოსილია, მოსთხოვოს მიმწოდებელს შესაბამისი დოკუმენტის ორიგინალის ან/და ნოტარიულად დამოწმებული ასლის წარმოდგენა, რომლითაც შესაძლებელი იქნება წარმოდგენილი დოკუმენტების ნამდვილობის დადასტურება;

თ) უზრუნველყოს სატენდერო დოკუმენტაციითა და შემსყიდველთან გაფორმებული ხელშეკრულებით გათვალისწინებული სხვა ვალდებულებების შესრულება.

5.2. შემსყიდველი ვალდებულია:

ა) დაიცვას მიწოდებულ პროდუქციის ეტიკეტზე დატანილი (ასეთის არსებობის შემთხვევაში) და საქართველოს კანონმდებლობით დადგენილი პროდუქციის შენახვის წესები.

ბ) უზრუნველყოს ხელშეკრულების შესრულების კონტროლი.

გ) შეასრულოს ხელშეკრულებითა და სატენდერო დოკუმენტაციით დაკისრებული ვალდებულებები.

დ) სათანადო გულისხმიერებითა და პასუხისმგებლობით ითანამშრომლოს მიმწოდებელთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

6. ხელშეკრულების შესრულების კონტროლი და საქონლის მიღება-ჩაბარების წესი

6.1. შემსყიდველის მიერ საქონლის მიწოდების ვადების, ხარისხისა და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი ხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

6.2. ხელშეკრულების პირობების შესრულების კონტროლზე და საქონლის მიღების აქტის გაფორმებაზე შემსყიდველის მხრიდან გამოყოფილი იქნებან შესაბამისი უფლებამოსილი პირები:

- ეკონომიკური დეპარტამენტის, სამეურნეო სამმართველოს უფროსის მოადგილე - ბ. გოგაძე;
- ეკონომიკური დეპარტამენტის, სამეურნეო სამმართველოს მთავარი მზარეული - ზ. ასაბაშვილი.

6.3. შემსყიდველი უფლებამოსილია უარი განაცხადოს ხელშეკრულების პირობების დარღვევით მიწოდებული საქონლის ნაწილის ან მთლიანი მოცულობის მიღებაზე.

6.4. ხარისხის დადგენილ სტანდარტებთან შესაბამისობის განსაზღვრის მიზნით, მიმწოდებელი ვალდებულია განახორციელოს CON190000393 ტენდერის სატენდერო დოკუმენტაციის 2.9. პუნქტით განსაზღვრული ვალდებულებების შესრულება:

- იმპორტირებული პროდუქტის მოწოდების შემთხვევაში მიმწოდებელი ვალდებულია ყოველ მოწოდებულ პარტიასთან ერთად წარმოადგინოს საქონლის წარმოშობისა და ხარისხის დამადასტურებელი დოკუმენტი ან/და შესაბამისობის სერტიფიკატი, ხოლო ადგილობრივი წარმოების შემთხვევაში მხოლოდ ხარისხის დამადასტურებელი დოკუმენტი ან/და შესაბამისობის სერტიფიკატი;
- მომწოდებელი ვალდებულია შემსყიდველის მოთხოვნის შემთხვევაში, 10 სამუშაო დღის ვადაში წარმოადგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული ორგანიზაციის მიერ გაცემული დასკვნა (გამოცდის ოქმით) პროდუქტის ტექნიკურ პირობებთან შესაბამისობის შესახებ;
- ხარისხის დადგენილ სტანდარტებთან შესაბამისობის განსაზღვრის მიზნით, შემსყიდველი ორგანიზაცია უფლებამოსილია, 2019 წლის განმავლობაში არაუმეტეს სამჯერ განახორციელოს საქონლის ნიმუშის აღება და სსიპ „ლევან სამხარაულის სახელობის სასამართლო ექსპერტიზის

ეროვნული ბიუროში" ან სხვა აკრედიტირებული ორგანიზაციაში შემოწმება. შემოწმებას უზრუნველყოფს მიმწოდებელი (მათ შორის ხარჯების ანაზღაურებას). ლაბორატორიული შემოწმების ოქმებში მითითებული მაჩვენებლებით უნდა დგინდებოდეს ხელშეკრულების ტექნიკური სპეციფიკაციით მოთხოვნილი მაჩვენებლები და პროდუქცია უნდა აკმაყოფილებდეს საქართველოში მოქმედი შესაბამისი სტანდარტებით განსაზღვრულ ხარისხის და უსაფრთხოების მაჩვენებლებს.;

- შემსყიდველის მოთხოვნის შემთხვევაში პრეტენდენტი ვალდებულია ხელშეკრულების გაფორმების შემდეგ წარუდგინოს მას ინფორმაცია იმ პირების შესახებ, ვინც განახორციელებს უშუალოდ საქონლის მიწოდებას. აგრეთვე, იმ სატრანსპორტო საშუალებების შესახებ, რომლითაც განხორციელდება საქონლის მიწოდება. აღნიშნული პირების/სატრანსპორტო საშუალების ცვლილების შემთხვევაში მიმწოდებელი ვალდებულია წინასწარ განახორციელოს შემსყიდველის ინფორმირება.

6.5. შემსყიდველსა და მიმწოდებელს შორის საქონლის მიღების ეტაპზე წარმოშობილი დავის შემთხვევაში, უნდა მოხდეს სადავო საქონლის ნიმუშის დალუქვა და სსიპ „ლევან სამხარაულის სახელობის სასამართლო ექსპერტიზის ეროვნული ბიუროში" ან სხვა აკრედიტირებულ ორგანიზაციაში ტრანსპორტირება მიმწოდებლის მიერ, მისივე ხარჯებით. იმ შემთხვევაში თუ ექსპერტიზა დაადგენს, რომ საქონელი არ შეესაბამება ხელშეკრულებით გათვალისწინებულ პარამეტრებსა და მოთხოვნებს, ექსპერტიზის ხარჯებს აანაზღაურებს მიმწოდებელი, ხოლო იმ შემთხვევაში თუ ექსპერტიზა დაადგენს, რომ საქონელი შეესაბამება ხელშეკრულებით გათვალისწინებულ პარამეტრებსა და მოთხოვნებს, ექსპერტიზის ხარჯებს აანაზღაურებს შემსყიდველი, გარდა სატენდერო დოკუმენტაციის 2.9 პუნქტით განსაზღვრული შემთხვევებისა.

6.6. პროდუქტის დადგენილ სტანდარტებთან შესაბამისობის განსაზღვრის მიზნით, შემსყიდველი უფლებამოსილია საწარმოში/სასაწყობე ფართში ინსპექტირების მიზნით მიმართოს შესაბამის ორგანოებს.

6.7. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის ახლით შეცვლა.

6.8. საქონლის მიღება წარმოებს მიმწოდებლის მხრიდან სასაქონლო ზედნადებითა და შემსყიდველის მხრიდან საქონლის მიღების აქტით. საქონლის მიღების აქტი ფორმდება წერილობითი ფორმით, შემსყიდველის უფლებამოსილი წარმომადგენლების ხელმოწერებით. საქონლის მიწოდება უნდა განხორციელდეს დღის განმავლობაში არაუგვიანეს 17:30 სთ-ისა. 17:30 სთ-ის შემდეგ „შემსყიდველი“ უფლებამოსილია უარი თქვას საქონლის მიღებაზე.

6.9. თუ მხარეთა შორის შეთანხმებული გეგმა-გრაფიკის თანახმად, მიწოდება ხორციელდება სამუშაო დღეს და კონკრეტული დღე ემთხვევა ოფიციალურ დასვენების დღეს, მიწოდების დღე უნდა შეთანხმდეს შემსყიდველთან.

7. ანგარიშსწორების წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში და უნდა მოიცავდეს საქართველოს კანონმდებლობით დადგენილ ყველა გადასახადს.

7.2. შემსყიდველი ორგანიზაცია ვალდებულია, ანგარიშსწორება განახორცილოს მიწოდებულ საქონელზე შემსყიდველის მხრიდან საქონლის მიღების აქტების გაფორმებიდან 10 (ათი) სამუშაო დღის ვადაში.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წარწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ

დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

9. ხელშეკრულების შესრულების უზრუნველყობის გარანტია

9.1. ხელშეკრულების შესრულების უზრუნველყოფის მიზნით მიმწოდებელი ვალდებულია ხელშეკრულების გაფორმებამდე წარმოადგინოს, CON190000393 ტენდერის მოთხოვნათა დაცვით, ხელშეკრულების შესრულების უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) გამოუთხოვადი საბანკო გარანტია, რომელიც წარმოადგენს ხელშეკრულების განუყოფელ ნაწილს.

9.2. ხელშეკრულების შესრულების უზრუნველყოფის საბანკო ან სადაზღვევო გარანტიის მოქმედების ვადა უნდა განისაზღვრებოდეს მინიმუმ 2020 წლის 01 მარტის ჩათვლით.

9.3. თუკი მიმწოდებელს შესრულებული აქვს ყველა ვალდებულება, იგი უფლებამოსილია შემსყიდველი ორგანიზაციიდან გამოითხოვოს საბანკო გარანტია.

9.4. ხელშეკრულების უზრუნველყოფის უპირობო გამოუთხოვადი საბანკო გარანტიის ოდენობა განისაზღვრება ხელშეკრულების ჯამური ღირებულების 5%-ის ოდენობით.

9.5. მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს საბანკო გარანტია წერილობითი მოთხოვნიდან 14 დღის განმავლობაში.

10. ხელშეკრულების პირობების შეუსრულებლობა

10.1. მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება, სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებითა და შესაბამისი სატენდერო დოკუმენტაციით.

10.2. წინამდებარე ხელშეკრულებით გათვალისწინებული ვადების დარღვევის შემთხვევაში, თუ ვადის გადაცილება ეხება საქონლის მიუწოდებლობას (მათ შორის ხარვეზის ან/და ნაკლის გამოსწორების ვადა) შემსყიდველი უფლებამოსილია დააკისროს მიმწოდებელს პირგასამტებლო ყოველ ვადა გადაცილებულ დღეზე ვადა გადაცილებით მიწოდებული საქონლის 0,2%-ის ოდენობით, მაგრამ არა ნაკლებ დღეში 70 (სამოცდაათი) ლარისა;

10.3. წინამდებარე ხელშეკრულებით გათვალისწინებული ანგარიშსწორების ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტებლო ყოველ ვადა გადაცილებულ დღეზე, მიმწოდებლისათვის ჩასარიცხით თანხის 0,2%-ის ოდენობით.

10.4. წინამდებარე ხელშეკრულებით გათვალისწინებული ვადების დარღვევის შემთხვევაში, გარდა ხელშეკრულების 10.2. პუნქტით გათვალისწინებული შემთხვევისა, შემსყიდველი უფლებამოსილია დააკისროს მიმწოდებელს პირგასამტებლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით, მაგრამ არა ნაკლებ დღეში 70 (სამოცდაათი) ლარისა.

10.5. წინამდებარე ხელშეკრულებით გათვალისწინებული ვალდებულების ნაწილობრივ შეუსრულებლობის შემთხვევაში, თუ ნაწილობრივი შეუსრულებლობა ეხება საქონლის მიუწოდებლობას და შემსყიდველ ორგანიზაციის აღარ გააჩნია აღნიშნული შესრულების ინტერესი,

შემსყიდველი უფლებამოსილია დააკისროს მიმწოდებელს პირგასამტეხლო შესასრულებელი ვალდებულების შესაბამისი ღირებულების 5%-ის ოდენობით, მაგრამ არანაკლებ 350 (სამას ორმოცდაათი) ლარი.

10.6. წინამდებარე ხელშეკრულებით გათვალისწინებული ვალდებულების ნაწილობრივ შეუსრულებლობის შემთხვევაში, გარდა ხელშეკრულების 10.5. პუნქტით განსაზღვრული შემთხვევისა ან/და ლაბორატორიული დასკვნების ვადაგადაცილების/წარმოუდგენლობისა, მხარე უფლებამოსილია დააკისროს დამრღვევ მხარეს პირგასამტეხლო ხელშეკრულების ღირებულების 1%-ის ოდენობით, მაგრამ არანაკლებ 50 (ორმოცდაათი) ლარისა.

10.7. უარყოფითი ლაბორატორიული დასკვნის (უარყოფითად ჩაითვლება ლაბორატორიული დასკვნა, სადაც კვლევის ობიექტის (პროდუქტის) ნებისმიერი პარამეტრი/მონაცემი არ შეესაბამება საქართველოში მოქმედ კანონმდებლობას, სტანდარტებს, ან/და წინამდებარე ხელშეკრულებას) წარმოდგენის შემთხვევაში შემსყიდველი უფლებამოსილია პრეტენდენტს დააკისროს პირგასამტეხლო ხელშეკრულების ღირებულების 1%-ის ოდენობით, ხოლო თუ შეუსაბამობა ეხება ისეთ პარამეტრს/მონაცემს რომელმაც შესაძლებელია საფრთხე შეუქმნას ადამიანის სიცოცხლეს ან/და ჯანმრთელობას ხელშეკრულების ღირებულების 5%-ის ოდენობით. ასეთ შემთხვევაში, შემსყიდველი უფლებამოსილია მიმართოს სატენდერო კომისიას ხელშეკრულების შეწყვეტის თაობაზე, საკითხის გადაწყვეტის მიზნით.

10.8. მიმწოდებლის მიერ ხელშეკრულებით ნაკისრი ვალდებულებების 3-ჯერ ან მეტჯერ დარღვევის შემთხვევაში, შემსყიდველი ორგანიზაცია უფლებამოსილია მიმართოს სატენდერო კომისიას ხელშეკრულების შეწყვეტის თაობაზე, საკითხის გადაწყვეტის მიზნით.

10.9. მიმწოდებლის მიერ კანონმდებლობით და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, რომელი გარემოებების გათვალისწინებითაც შემსყიდველი ორგანიზაცია მიიჩნევს მიზანშეწონილად ხელშეკრულების შეწყვეტას, იგი უფლებამოსილია მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით.

10.10. ხელშეკრულების შეწყვეტის თაობაზე შემსყიდველის მომართვის შემთხვევაში, სატენდერო კომისია, უფლებამოსილია იმსჯელოს კონკრეტული ხელშეკრულების ან/და კონსოლიდირებული ტენდერის ფარგლებში გაფორმებული სხვა ხელშეკრულებ(ებ)ის შეწყვეტის თაობაზე, გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

10.11. სატენდერო კომისიის მიერ ხელშეკრულების შეწყვეტის შესახებ მითითების შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია.

10.12. ჯარიმისა და პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულება შეიძლება შეწყვდეს მხარეთა ურთიერთშეთანხმების საფუძველზე.

11.3 ერთი მხარის მიერ მეორისგან მიღებული საქმიანობასთან დაკავშირებული მთელი ინფორმაცია ითვლება მკაცრად კონფიდენციალურად ამ შეთანხმების როგორც ხელშეკრულების მოქმედების ვადის განმავლობაში ასევე ხელშეკრულების მოქმედების ვადის გასვლის შემდგომ. მხარეები მიიღებენ ყველა აუცილებელ ზომას იმისათვის, რომ არ დაუშვან მესამე პირებთან მიღებული ინფორმაციის გახმაურება.

12. ფორს-მაჟორი

12.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი მალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2 თუ ერთ-ერთი მხარე დაუძლეველი მალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ წერილობითი ფორმით აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.

12.3 მხარეთა პასუხისმგებლობა და ვალდებულებები განახლდება დაუძლეველი მალის მოქმედების დასრულებისთანავე.

13. დავები და მათი გადაწყვეტის წესი

13.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. სხვა პირობები

14.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.3 ხელშეკრულება შედგენილია ქართულ ენაზე.

15. ხელშეკრულების მოქმედების ვადა

ხელშეკრულება ძალაში შედის 2019 წლის 13 აგვისტოს და მოქმედებს 2020 წლის 01 მარტამდე.

შემსყიდველი:

საქართველოს სახელმწიფო დაცვის
სპეციალური სამასახური
ქ.თბილისი, 9 აპრილის ქ.#2
საქართველოს სახელმწიფო ხაზინა
სახელმწიფო დაცვის სპეციალური
სამსახურისთვის 4001
ა/ა GE24NB0330100200165022

ბანკის კოდი: TRESGE22

საიდენტიფიკაციო კოდი: 203840344
ეკონომიკური დეპარტამენტის უფროსი
ნუგზარ ყამბეგაშვილი



მიმწოდებელი:

შპს „ტენდერი 123“

ქ.თბილისი, ო.ჭილაძის ქ.#166,
კორპუსი #6, ბინა #28

სს „საქართველოს ბანკი“

ა/ა GE45BG0000000773594400

ბანკის კოდი: BAGAGE22

საიდენტიფიკაციო კოდი: 405021523
დირექტორი
ამირან ჩიტაშვილი

N	N საქონლის დასახულება	ფასტბის ცხრილი				ჯამური ლირზეული (ლარი)	
		ტექნიკური აუწირილება	წარმოების ქვეყნა	მუნიციპალიტეტი	ჯამური საორიენტირებულის ფასი (ლარი)		
1	ფასტბი - უმაღლესი კატეგორია კატეგორიას დასახულება	<p>ხორბლის ფეხითი უმაღლესი კატეგორია</p> <ul style="list-style-type: none"> უმაღლესი ხარისხის; წერტილის (წერტილების) წარმომადგენლი ჰიდროტერზული კომპლექსის სახით, მისი რაოდენობა არანაკლებ 28%-სა; სინერგიული აუზების 15%-სა; ნაცრიანობა ჩრდილო ნორთისაზე გაანგარიშებით არაუმჯობეს 0.55%-ისა; იურიკი ან კრისტიფური ელექტრით; მინირვებისა და უცხო სხულების გარეშე; ღიას და სანქტეპი/სისვლის გარეშე; კონდუქტორთვის დამხსაიათებელი სასამართლო სუნის მურნი, არ უნდა დატეკუროვს მტკუ, მუკვ რბის, ღიპის სუნი ან გმენ; არ უნდა შეიცვლეს გმო-ს; მიწოდებული საფონლის დარჩენილი კარგისას მომავალის ვადა უნდა იყოს საერთო კადის არანაკლებ 70%, მაგრამ არანაკლებ 4 თვე; შეფერვა მოლიანობის დაღვეულის გარეშე, დაფარება 20 - 50 კმ-მდე ($\pm 0.4\%$) ტრენეგგი (უმშენებელის მოთხოვნის შესაბამისად) ეტაპები უნდა იყოს ნაშენები ტრენენაზე ან/და იმურნებული ძალით 	75.00	38	75.00	1.17	87.75

N	შემსყიდველი	ხორბლის ფქვილი უმაღლესი კატეგორია			
		რაოდენობა	განზომილება	მიწოდების ჯერადობა	მიწოდების ადგილი
1	საქართველოს სახელმწიფო დაცვის ინიციატიური სამსახური	75.00	38	ორ-სამ თვეში ერთხელ, მთათხოვნის შესაბამისად	ქ. თბილისი, ყვარელის ქ. N160

ხელშეკრულების შესრულების უზრუნველყოფის
საბანკო გარანტია M/FR/C/000078/19
(უპირობო გამოუთხოვადი გარანტია)

გაცემის თარიღი: 13.08.2019 წელი

გარანტი: სს სადაზღვევო კომპანია პრაიმი ს/კ 204540274

პრინციპალი: შპს შპს ტენდერი 123; ს/კ 405021523

ბენეფიციარი: საქართველოს სახელმწიფო დაცვის სპეციალური სამსახური; ს/კ 203840344

საგარანტიო თანხა: 5 (ხუთი) ლარი

გარანტის მოქმედების ვადა: 13.08.2019 დან - 10.03.2020- ჩათვლით

გარანტის გაცემის საფუძველი: მხედველობაში ვიღებთ რა, რომ პრინციპალმა შპს შპს ტენდერი 123; ს/კ 405021523, ბენეფიციარის წინაშე, 2019 წლის 19 ივლისს გამოცხადებულ კონსოლიდირებულ ტენდერში CON190000393, წარდგენილი თავისი სატენდერო წინადადების შესაბამისად იკისრა ვალდებულება წარმოადგინოს ხელშეკრულების შესრულების უზრუნველყოფის საბანკო გარანტია, მასზე დაკისრებული ვალდებულებების შესრულების გარანტიის სახით, გასაფორმებელ ხელშეკრულებაში მითითებულ თანხაზე. წერილი № 31 348 შესაბამისად.

გარანტით უზრუნველყოფილი ვალდებულება: გარანტი კისრულობს უპირობო გამოუთხოვად ვალდებულებას, წინამდებარე საბანკო გარანტიის პირობების გათვალისწინებით, ბენეფიციარისგან გადახდის მოთხოვნის წარდგენის შემთხვევაში, გადაუხადოს მას თანხა ან/და თანხები, რომლებიც ჭამში არ აღემატება საგარანტიო თანხას (ხუთი) ლარის ოდენობას.

გარანტის თანხის მოთხოვნა: გარანტის მიერ საგარანტიო თანხის გადახდა მოხდება მხოლოდ პრინციპალსა და ბენეფიციარს შორის დადებული სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობის, აგრეთვე ნაწილობრივი ან არაჟეროვანი შესრულების შემთხვევაში. ბენეფიციარმა გარანტს უნდა წარუდგინოს უფლებამოსილი პირის მიერ ხელმოწერილი და ბეჭდით დადასტურებული წერილობითი მოთხოვნა, რომელშიც მითითებული უნდა იყოს მოთხოვნილი თანხა და უნდა იყოს აღწერილი, თუ რაში გამოიხატება პრინციპალის მიერ ვალდებულებ(ებ)ის დარღვევა დამატებითი მტკიცებულებების წარმოდგენის საჭიროების გარეშე, ასევე მოთხოვნასთან ერთად გარანტს უნდა წარედგინოს საბანკო გარანტიის ასლი. ბენეფიციარის მოთხოვნა საგარანტიო თანხაზე გარანტის მიერ მიიღება მხოლოდ წინამდებარე გარანტიის მოქმედების პერიოდში.

წერილობითი მოთხოვნა თანდართული დოკუმენტებით უნდა ჩაბარდეს გარანტს შემდეგ მისამართზე: ქ. თბილისი, ალ. ყაბეგის გამზ. N32ა, გარანტის კანცელარიაში სამუშაო სასათებში. მოთხოვნის ჩაბარების თარიღად ჩაითვლება მოთხოვნის თანდართული დოკუმენტებით უშუალოდ გარანტისათვის ჩაბარების თარიღი. დაუშვებელია მოთხოვნის ელექტრონულად, ფაქსით ან სხვა საშუალებით წარდგენა.

გარანტის ვალდებულება ბენეფიციარის წინაშე წყდება და საბანკო გარანტია უქმდება:

- საბანკო გარანტიაში განსაზღვრული მოქმედების ვადის გასვლით, რომლითაც იგი გაიცა;
- ბენეფიციარის მიერ ამ საბანკო გარანტიიდან გამომდინარე საკუთარ უფლებებზე წერილობითი უარის თქმისა და საბანკო გარანტიის დედნის გარანტისათვის დაბრუნებისას;
- პრინციპალის მიერ საგარანტიო ვალდებულებების სრულად შესრულებით;

წინამდებარე გარანტია გაიცემა გარანტსა და პრინციპალს შორის 2019 წლის 30 ივლისს გაფორმებული გენერალური ხელშეკრულების GBG-00011/19 საფუძველზე.

ფინანსური დირექტორი

მარეხი გურული

